

Zajednička izjava visokog predstavnika i glavne tužiteljice Haškog tribunala

Visoki predstavnik, Paddy Ashdown, i glavna tužiteljica Međunarodnog krivičnog tribunala za zločine počinjene u bivšoj Jugoslaviji (ICTY), Carla del Ponte, nakon sastanka koji su danas održali u prostorijama OHR-a u Sarajevu, izdali su sljedeću zajedničku izjavu:

Glavna tužiteljica Haškog tribunala i visoki predstavnik su se složili da je pitanje osposobljavanja organa vlasti BiH za procesuiranje slučajeva ratnih zločina od suštinskog značaja. Izgradnjom tih kapaciteta će se upotpuniti naporu Haškog tribunala usmjereni na izvođenje osoba optuženih za ratne zločine pred lice pravde. BiH ne može biti država koja će funkcionirati u potpunosti bez stvaranja takvih kapaciteta, što je od ključnog značaja za zatvaranje ratnog poglavlja.

I glavna tužiteljica i visoki predstavnik su iskazali svoju odlučnost kad je u pitanju izgradnja ovih kapaciteta. Kako Haški tribunal tako i OHR se nadaju i očekuju da će međunarodna zajednica sada odrediti sredstva i organizacije koje će dalje unaprijediti proces pružanja pomoći organima vlasti BiH pri izgradnji ovih kapaciteta. Visoki predstavnik će ovo pitanje pokrenuti na sastanku Vijeća za implementaciju mira koji će se 20. i 21. novembra održati u Briselu, te će apelirati da se ova pitanja razriješe najkasnije do kraja ove godine.

I glavna tužiteljica i visoki predstavnik su ponovno pozvali organe vlasti BiH, a naročito organe vlasti Republike Srpske, da u potpunosti sarađuju sa Međunarodnim krivičnim tribunalom za zločine počinjene u bivšoj Jugoslaviji u njegovom radu na procesuiranju najozbiljnijih slučajeva kršenja međunarodnog

humanitarnog prava. Haški tribunal neće zatvoriti svoja vrata sve dok se najozbiljniji slučajevi ratnih zločina ne rasprave pred Tribunalom, uključujući slučaj Radovana Karadžića, te su još jedanput apelirali na organe vlasti RS, i ostale, da ga uhapse.